



# IMARAH عمارة



MASJID IBN ABBAS, TAMAN IBU KOTA, KUALA LUMPUR

BIL : 1

BULETIN

2020

## Sekapur Sireh

بِسْمِ اللَّهِ الرَّحْمَنِ الرَّحِيمِ



Alhamdulillah, segala pujian dan syukur kehadiran Allah SWT kerana dengan rahmat-Nya, IMARAH – buletin sulung Masjid Ibn Abbas (MIA) ini dapat diterbitkan. Tujuan utama buletin ini adalah untuk memberikan maklumat semasa berkaitan pengurusan, aktiviti pengimarahannya dan sesi pengajian kepada jemaah masjid ini.

Pihak Jawatankuasa Kariah (AJK) MIA telah menambah baik sistem pentadbiran berdasarkan peredaran semasa dan situasi pandemik Covid-19 dengan memanfaatkan platform media elektronik seperti aplikasi WhatsApp, e-kuliah, FB-Live dan Google Meet. Pihak MIA percaya bahawa pendekatan yang progresif ini lebih berkesan untuk lapisan jemaah yang pelbagai. MIA juga telah mengambil inisiatif untuk melaksanakan program yang sejajar dengan 5 Teras (Quick Win) yang telah digariskan dalam Pelan Pengimarahannya Masjid-Masjid Wilayah Persekutuan 2020-2024 iaitu Ibadah, Pendidikan dan Keilmuan, Ekonomi, Dakwah dan Sosial, Komuniti dan Alam Sekitar.

Takwim MIA 2020/21 telah dirangka dengan mengambil kira input AJK MIA bagi memastikan aktiviti pengimarahannya dan pembangunan masjid lebih strategik. Justeru, dana MIA daripada sumbangan orang ramai akan dibelanjakan mengikut perancangan takwim seperti agihan kepada surau-surau kariah MIA dan sumbangan kepada golongan asnaf. Pihak MIA cakna dan sentiasa memikirkan cara untuk terus membantu anak-anak kariah bagi meningkatkan taraf kehidupan keluarga.

Di kesempatan ini, saya menyeru pihak pengurusan masjid-masjid di Malaysia untuk memperbaiki pengurusan dana dengan mengamalkan pendekatan baharu yang lebih telus dan mesra serta proaktif dalam membelanjakan wang ke arah kebaikan demi kemaslahatan orang ramai.

Rasulullah SAW bersabda: "Sesiapa yang meringankan daripada seorang mukmin satu kesusahan di dunia, Allah SWT akan meringankan daripadanya satu kesusahan di Hari Kiamat. Sesiapa yang memudahkan orang yang kesempitan, Allah akan memudahkannya di dunia dan akhirat ... Allah sentiasa menolong seseorang hamba selama mana hamba itu menolong saudaranya." Hadis Riwayat Muslim (2699).

Tahniah diucapkan kepada AJK MIA yang telah bertungkus-lumus menyumbangkan idea dan usaha dalam menerbitkan buletin ini. Terima kasih tidak terhingga atas segala jasa bakti dalam menguruskan pentadbiran MIA secara satu pasukan dan tidak lupa juga kepada anak kariah kerana sentiasa memberikan kerjasama dalam setiap aktiviti yang dijalankan MIA.

Diharapkan usaha menerbitkan buletin ini dapat membuka minda kita dan seterusnya memperhebat imej pengurusan masjid dan surau ke arah yang lebih berketerampilan. Sekian.

"Masjid Maju Ummah Sejahtera"

HJ. NIZAM SHAH BIN MOHD NOOR  
Pengerusi  
Masjid Ibn Abbas

SIDANG  
EDITOR

**PENAUNG :**

HJ. NIZAM SHAH BIN MOHD NOOR  
Pengerusi Masjid Ibn Abbas

**KETUA EDITOR**

EN. AHMAD ZAMRI BIN HASAN  
Ketua Biro Penerangan Dan Penerbitan

**EDITOR**

DATO' HJ. HASSAN BIN MOHD AMIN  
DATO' ARIFIN BIN CHE MAT  
HJ. KAMARUDIN BIN ISMAIL  
EN. MUHD SYAHAMIRUL EDININ BIN ABD HAMID  
EN. MARWAN HADID BIN NOR KHAIR  
EN. AHMAD KHAIRI BIN MAHIDIN  
EN. ZUL AZRI BIN MD. NASIR  
EN. ABDUL LATIF BIN ABD RAHIM  
HJH. TEH ROKIAH BINTI MOHAMAD SHARIF  
HJH. NORHANIM BINTI AZMAN  
PN. ARMI BINTI MOHAMED RAMLI  
EN. MUHAMAD SHALAHUDDIN BIN MUHAMAD AJIB



MASJID IBN ABBAS

IMBAS QR KOD





## CARTA ORGANISASI

MASJID IBN ABBAS, TAMAN IBU KOTA, KUALA LUMPUR  
SESI 2020 - 2023



**SENARAI AHLI JAWATANKUASA**

**Ketua Biro**

Hj. Mat Admara Bin Alang Azizdin (July '20 - Okt '20)

En. Marwan Hadid Bin Nor Khair (Nov '20 - Kini)

**Ahli Jawatankuasa Kerja**

En. Abdul Latif Bin Abd. Rahim

Ustaz Muhamad Shalahuddin Bin Ajib

Ustaz Mohd Shukri Bin Hj Shafie

Ustaz Mohamad Nukman Bin Hishamuddin

**MENJAGA ADAB KETIKA MENUNTUT ILMU**

Menuntut ilmu merupakan fardhu ain bagi setiap individu. Dengan ilmu, dapat memandu seseorang ke arah kesejahteraan dan keredhaan. Sebelum menuntut ilmu beberapa adab perlu dipelajari agar ilmu yang dituntut mendapat keberkatan. Sebab itu, ilmu yang mula-mula biasanya dipelajari ialah ilmu adab (akhlak) sebelum mempelajari ilmu-ilmu lain.

**Adab-adab menuntut ilmu, antaranya:**

**MENGIKHLASKAN NIAT:** Iaitu menuntut ilmu dengan ikhlas kerana Allah SWT. Firman Allah yang bermaksud: "Pada hal mereka tidak diperintahkan melainkan supaya menyembah Allah dengan mengikhlasakan ibadat kepadaNya, lagi tetap teguh di atas tauhid; dan supaya mereka mendirikan sembahyang serta memberi zakat. Yang demikian itulah agama Yang benar." (Surah Al-Bayyinah, ayat 5)

**BERDOA AGAR MENDAPAT ILMU YANG BERMANFAAT:** Iaitu kita hendaklah berdoa kepada Allah taala agar mendapat ilmu yang bermanfaat. Kita juga perlu berlindung daripada ilmu yang tidak manfaat. Belajar dengan bersungguh-sungguh: Sebagai penuntut ilmu, kita hendaklah sentiasa merasa dahagakan ilmu dan tidak bersikap malas. Nabi Muhammad SAW bersabda: "Dua orang rakus yang tidak pernah kenyang: iaitu (1) orang yang rakus terhadap ilmu dan tidak pernah kenyang dengannya dan (2) orang yang rakus terhadap dunia dan tidak pernah kenyang dengannya." (Hadis riwayat Al-Baihaqi)

**MENJAUHKAN DIRI DARI MAKSIAH DAN DOSA:** Kemaksiah dan dosa dapat menghalang kita dari mendapat ilmu yang bermanfaat, mematikan hati, merosakkan kehidupan.

**TIDAK MALU DAN SOMBONG:** Ketika menuntut ilmu kita dilarang untuk malu dan sombong, kerana akan menyukarkan mendapat ilmu. Sabda Rasulullah SAW daripada Imam Mujahid rahimahullah yang maksudnya: "Dua orang yang tidak belajar ilmu: seorang pemalu dan seorang yang takbur." (HR Bukhari)

**Antara Asatizah Yang Menyampaikan Ilmu Di Masjid Ibn Abbas**



Ustaz Hanafiah Malik



Ustaz Harryanto Rizal



Ustaz Hafiz Fauzi



Ustazah Muzayyanah



Ustazah Dr Robiah



Ustaz Jafri Abu Bakar



**MENDENGAR PELAJARAN YANG DISAMPAIKAN GURU DENGAN BAIK:**

Firman Allah SWT maksudnya: "...Oleh itu gembirkanlah hamba-hambaKu – Yang berusaha mendengar perkataan-perkataan yang sampai kepadanya lalu mereka memilih dan menurut akan yang sebaik-baiknya (pada segi hukum agama); mereka itulah orang-orang yang diberi hidayah petunjuk oleh Allah dan mereka itulah orang-orang yang berakal sempurna." (Surah Az-Zumar: ayat 17-18)

**DIAM KETIKA BELAJAR:** Iaitu kita perlulah diam ketika menuntut ilmu dan tidak bercakap-cakap perkara yang tiada manfaat. Firman Allah SWT yang maksudnya: "Dan apabila Al-Quran itu dibacakan, maka dengarlah akan ia serta diamlah (dengan sebulat-bulat ingatan untuk mendengarnya), supaya kamu beroleh rahmat." (Surah al-A'raaf, ayat 204)

**MENGIKAT ILMU DAN PELAJARAN DENGAN TULISAN:** Iaitu perlu mencatat pelajaran yang dipelajari agar mendapat faedah dan manfaat. Ia juga bertujuan agar ilmu yang disampaikan tidak hilang dan terus melekat dalam ingatan setiap kali pelajaran diulangi. Sabda Nabi Muhammad SAW yang maksudnya: "Ikatlah ilmu dengan tulisan." (HR Ibn 'Abdil Barr)

**BERUSAHA MEMAHAMI ILMU YANG DISAMPAIKAN:** Untuk memahami sesuatu ilmu, penuntut ilmu perlulah duduk di hadapan guru, memerhatikan penjelasan guru dengan baik. Mengulang kaji pelajaran yang dipelajari dan mengamalkan ilmu.

**MENGAMALKAN ILMU YANG DIPELAJARI:** Nabi Muhammad SAW bersabda: "Perumpamaan seorang alim yang mengajarkan kebaikan kepada manusia, kemudian dia melupakan dirinya (tidak mengamalkan ilmunya) adalah seperti lampu (lilin) yang menerangi manusia, namun membakar dirinya sendiri." (HR at-Tabrani)

**MENYAMPAIKAN ILMU:** Iaitu menyampaikan ilmu yang dipelajari supaya dapat dimanfaatkan kepada masyarakat. Justeru, untuk meningkatkan sesuatu pengetahuan, ilmu perlulah dicari agar dapat memajukan diri sendiri. Adab-adab sebagai penuntut ilmu perlu dipelajari agar kita mendapat ilmu yang mudah dan berkat.

**Program Wilayah Persekutuan Berselawat & Bermunajat memohon perlindungan dan kesejahteraan sempena penularan wabak Covid-19**



## SENARAI AHLI JAWATANKUASA

### PENGERUSI

DATO' ARIFIN BIN CHE MAT  
019 240 1914

### SETIAUSAHA

OTHMAN BIN NAWANG  
016 606 2867

### BENDAHARI

AHMAD KHAIRI BIN MAHIDIN  
013 394 8984

### TEKNOLOGI MAKLUMAT

ABDUL LATIF BIN ABDUL RAHIM  
019 486 5772

### PENGURUSAN JENAZAH

HJ. MOHAMMAD PAIZ BIN SHAARI  
019 358 9124

### AJK (WAKIL TAMAN IBU KOTA)

SUZAIRI BIN DATO' MOHD SUKON  
019 288 8608

### AJK (WAKIL TAMAN DANAU KOTA)

SYED JALALUDDIN BIN SYED WAZIR  
010 783 5976

### AJK (WAKIL TAMAN SETAPAK INDAH)

HJ GHAZI BIN HJ. OMAR  
011 2337 0488

### AJK (WAKIL PV12)

SAIFUL ASFAR BIN A. RAHMAN  
019 615 2163

### AJK (WAKIL SETAPAK INDAH FASA 7)

ISMAIL BIN MOHD ARSHAD  
016 278 5474

### AJK (WAKIL MUSLIMAT / TERATAI MEWAH/ MEDAN IDAMAN)

AMINAH BINTI HJ ABD SHUKOR  
012 660 7270

INTAN SURIA BINTI MOHD NOOR  
012 204 7170

## FIRMAN ALLAH SWT

قُلْ إِنَّ الْمَوْتَ الَّذِي تَفِرُّونَ مِنْهُ فَإِنَّهُ مُلَاقِيكُمْ ثُمَّ تُرَدُّونَ  
إِلَىٰ عَالِمِ الْغَيْبِ وَالشَّهَادَةِ فِيمَا كُنْتُمْ تَعْمَلُونَ

Katakanlah (wahai Muhammad):

"Sebenarnya maut yang kamu melarikan diri daripadanya itu, tetaplah ia akan menemui kamu; kemudian kamu akan dikembalikan kepada Allah yang mengetahui segala yang ghaib dan yang nyata, lalu Ia memberitahu kepada kamu apa yang kamu telah lakukan."

SURAH AL JUM'AH AYAT 8

## 5 TERTIB PENGURUSAN HARTA PUSAKA DALAM ISLAM

Pengurusan harta pusaka adalah sebahagian daripada proses perancangan kewangan yang penting. Dalam islam, faraid memainkan peranan besar dalam penentuan pembahagian harta.

Pengurusan harta pusaka dalam kalangan umat Islam adalah satu prosedur yang penting untuk difahami, khususnya untuk masyarakat Islam.

Tanpa pengurusan harta pusaka yang baik, pelbagai pertikaian boleh berlaku sehingga menyebabkan kepada konflik perebutan harta, permusuhan keluarga sehingga memerlukan penyelesaian mahkamah.

Mengapa ia berlaku? Jawapannya adalah kerana kekurangan pengetahuan dalam menguruskan harta pusaka dalam kalangan keluarga atau waris yang terlibat. Terdapat beberapa tertib (langkah) yang boleh dilakukan untuk mengelakkan daripada berlaku sebarang pertelingkahan dan memastikan pembahagian harta pusaka yang lebih adil selepas berlakunya kematian.

### #1. Asing

Lakukan pengasingan terhadap harta yang dimiliki atau yang diuruskan oleh si mati ketika hayatnya. Mungkin tidak semua harta yang diuruskan si mati adalah kepunyaan mutlaknya seperti harta wasiat, harta yang telah dijual, harta yang dihibahkan dan juga harta yang diwakafkan oleh si mati pada hayatnya.

Bagi yang berminat menjadi ahli khairat kemataian masjid ibn abbas, sila dapatkan borang di Pejabat Masjid @ download dengan mengimbas QR kod dibawah.

Sila serahkan borang kepada **AJK WAKIL TAMAN** masing-masing untuk proses seterusnya.

## YURAN PENYERTAAN AHLI KHAIRAT KEMATIAN MASJID IBN ABBAS :

SETAHUN : RM 50.00  
SEUMUR HIDUP : RM 500.00  
Yuran Pendaftaran : RM 20.00



**Maybank**

**564221636596**

BADAN KHAIRAT KEMATIAN MASJID IBN ABBAS



IMBAS QR UNTUK DAPATKAN BORANG KEAHLIAN KHAIRAT KEMATIAN (MASJID IBN ABBAS)

#2. Tuntut

Dalam langkah ini, waris perlu melunaskan hutang piutang yang telah ditinggalkan oleh si mati. Hutang yang dimaksudkan dibahagikan kepada dua kategori iaitu hutang dunia dan hutang akhirat. Hutang yang melibatkan orang perseorangan, syarikat atau pihak kerajaan dianggap sebagai hutang yang perlu diselesaikan.

Hutang akhirat seperti pelaksanaan ibadah haji yang belum dibuat oleh si mati sedangkan dia berkemampuan boleh dilunaskan dengan menggunakan harta peninggalannya.

Dalam hal ini, waris juga perlu melunaskan tuntutan cukainya mengikut Seksyen 74 dan Seksyen 106 Akta Cukai Pendapatan 1967 kerana Lembaga Hasil Dalam Negeri (LHDNM) mempunyai kuasa untuk menuntut baki cukai tertunggak daripada waris atau pentadbir harta pusaka. Tuntutan tersebut akan dibuat terhadap hartanya. Waris perlu memastikan si mati tiada sebarang tunggakan cukai pendapatan sebelum ia diagihkan. LHDNM juga boleh membuat tuntutan baki cukai yang tidak dijelaskan melalui tindakan sivil

#3. Bahagi harta sepencarian

Harta sepencarian ialah harta yang dimiliki dan diusahakan secara bersama oleh si mati dan pasangannya semasa hayatnya. Sekiranya pasangan tidak bekerja atau tidak mempunyai sumber pendapatan yang tetap, pasangan yang hidup juga boleh menuntut harta sepencarian. Contohnya isteri yang tidak bekerja atau tiada punca pendapatan yang tetap serta menjadi suri rumah sepenuh masa boleh menuntut harta sepencarian yang ditinggalkan oleh pasangannya yang telah meninggal dunia.

Ia kerana isteri merupakan teman hidup yang banyak membantu suaminya dalam menguruskan rumah tangga dan meringankan beban suami sebagai ahli keluarga untuk mencari rezeki.

#4. Pelaksanaan wasiat

Wasiat ialah hasrat atau pesanan si mati yang dibuat semasa hayatnya namun ia hanya boleh dilaksanakan apabila pewasiat sudah meninggal dunia.

Harta yang ditinggalkan oleh si mati boleh diuruskan dengan pelaksanaan wasiat asalkan tidak melebihi 1/3 daripada jumlah harta yang ditinggalkan. Wasiat juga boleh diberikan kepada bukan waris asalkan tidak melebihi 1/3 daripada jumlah harta yang telah ditinggalkan. Wasiat juga boleh diberikan kepada bukan waris yang berhak mendapat harta pusaka peninggalannya.

Wasiat perlu dibuat secara bertulis melalui pihak yang menyediakan perkhidmatan wasiat seperti Amanah Raya Berhad dan lain-lain agensi wasiat yang diktiraf di Malaysia. Kandungan wasiat juga boleh berubah berdasarkan perkara yang diinginkan oleh pewasiat semasa hayatnya.



#5. Pelaksanaan faraid

Faraid ialah bahagian yang telah ditetapkan oleh syarak kepada waris si mati. Waris pula terbahagi kepada beberapa kategori iaitu waris utama, waris gentian, waris sisan pertama dan waris sisan kedua. Waris utama adalah insan yang paling rapat dengan si mati iaitu ayah,ibu, pasangan (suami atau isteri), anak lelaki dan anak perempuan.

Setiap daripada waris utama ini mempunyai hak dan kadar masing-masing dalam pembahagian harta faraid. Contohnya, bapa akan memperoleh hak sebanyak 1/6 daripada harta faraid tersebut. Ibu berhak sebanyak 1/3 (sekiranya si mati tidak mempunyai anak) dan 1/6 (sekiranya si mati mempunyai anak). Manakala pasangannya iaitu suami berhak sebanyak 1/2 (sekiranya si mati tidak mempunyai anak) dan 1/4 (sekiranya si mati mempunyai anak).

Begitu juga dengan isteri, hak isteri ialah sebanyak 1/4 (sekiranya si mati tidak mempunyai anak) dan 1/8 (sekiranya pasangan mempunyai anak). Manakala hak anak perempuan pula ialah 1/2 (sekiranya si mati hanya mempunyai seorang anak perempuan sahaja), 2/3 hak (sekiranya si mati ada lebih daripada seorang anak perempuan dan dibahagikan sama rata di antara mereka).

Namun begitu, hak anak perempuan juga tertakluk kepada kategori asobah Bil ghari iaitu sekiranya anak perempuan tersebut mempunyai adik beradik lelaki maka pembahagian perlu dilakukan dengan kadar sebanyak 2 bahagian bagi lelaki dan 1 bahagian bagi perempuan.

Sebaliknya anak lelaki akan mengambil seluruh harta jika tiada waris fardu (waris yang telah ditentukan haknya).

Kesimpulan

Tertib dalam pengurusan harta pusaka Islam bukanlah perkara yang boleh dipandang remeh. Sesungguhnya, memahami kaedah pembahagian harta dalam Islam amatlah penting dan dititik beratkan malahan perlaksanaannya adalah berdasarkan ketetapan yang telah dinyatakan dalam al-Quran dan hadis.

# PROJEK MENAIK TARAF PRASARANA MASJID IBN ABBAS

Biro Pembangunan dan Ekonomi (BPE) Masjid Ibn Abbas telah merancang untuk menambah baik prasarana masjid yang sedia ada. Perancangan pembangunan bagi fasa pertama yang dimaksudkan adalah,

- Projek penambahan ruang solat**
- Projek pembinaan 'Tube Well'**
- Projek menambahbaik papantanda**
- Projek pembinaan laman sesawang rasmi masjid**

Pembentangan kertas kerja oleh biro telah dilakukan pada 13 September 2020 yang lalu.

Projek penambahan ruang solat, dalam anggaran seluas 210m persegi dijangka dapat memuatkan lagi seramai 200 orang jemaah dalam satu masa. Perancangan penambahan ruang solat ini telah mengambil kira keluhan penduduk kariah di bawah Masjid Ibn Abbas yang tidak berpeluang bersolat disebabkan penetapan peraturan norma baru oleh MKN dan JAWI diwaktu pandemik COVID 19 ini. BPE telah memaksimumkan penggunaan kawasan masjid yang sesuai untuk tambahan kawasan solat dengan harapan dapat memberi lebih peluang kepada ahli kariah untuk bersolat di Masjid Ibn Abbas.



*Ruang solat yang bakal diubahsuai bagi memuatkan lebih Jemaah solat.*

Projek pembinaan 'Tube Well' atau dikenali sebagai telaga air tanah ini bakal dibina untuk membantu membekalkan sumber air bawah tanah bagi kegunaan masjid. Memandangkan bekalan air bersih di kawasan ini kerap menghadapi gangguan pada ketika ini, cadangan pembinaan 'Tube Well' ini dijangka dapat mengatasi masalah tersebut. BPE akan bekerjasama dengan Jabatan Mineral dan GeoScience Cawangan Selangor dan Kuala Lumpur (JMG) bagi membantu mengesan kesesuaian struktur tanah di kawasan masjid sebelum operasi gerudi dilakukan. Hasil keluaran air dijangkakan sebanyak 70-80 liter/min, dengan kekuatan pam 1HP. Dengan adanya

### SENARAI AHLI JAWATANKUASA

#### Ketua Biro

En. Nizam Shah Bin Mohd Noor

#### Ahli Jawatankuasa Kerja

Dato' Hassan Bin Mohd Amin

En. Muhd Syahamirul Edinin Bin Abd Hamid

En. Marwan Hadid Bin Nor Khair

En. Abdul Latif Bin Abdul Rahim

En. Naveer Moheedin

kemudahan tambahan ini, ia dijangka dapat memberi lebih manfaat kemudahan berterusan kepada masjid dan ahli kariah walaupun berdepan dengan krisis air di masa hadapan.



*Contoh kerja pengerudian air bawah tanah.*

Manakala 17 peratus dari nilai peruntukan pembangunan fasa pertama ini bakal digunakan untuk penjenamaan semula masjid dengan menambahbaik papan tanda nama masjid dan papan tanda info dalam masjid serta pembinaan laman sesawang rasmi Masjid Ibn Abbas. Keperluan bagi pembinaan laman sesawang rasmi masjid ini pula selari dengan perkembangan teknologi internet yang menjadikan ia sebagai salah satu saluran penyebaran maklumat yang semakin penting yang tidak terbatas hanya kepada masjid dan kariah sahaja. Antara kepentingan laman sesawang ini juga adalah sebagai saluran dan maklumat rasmi, perkhidmatan, mempromosi aktiviti dan sokongan konsep e-pengurusan masjid yang lebih efektif dan bersistematik.

Majlis Jawatankuasa Masjid Ibn Abbas telah meluluskan pelan tersebut pada 22 Oktober 2020 lalu. Menurut BPE, projek-projek yang menelan kos kira-kira RM150 ribu tersebut dijangka bermula pada Januari tahun hadapan (2021) dan (dijangka) selesai pada Mac tahun hadapan (2021). Sebahagian besar dari kos pelaksanaan adalah dari dana wakaf sumbangan orang ramai. Dana wakaf diberi nama **WAKAF IMARAH** pembangunan tersebut bakal dibuka pada awal Januari 2021 serentak dengan pelaksanaan projek berkenaan.



# PENJANAAN EKONOMI MASJID DAN KARIAH

## Bazaaria PKPB Masjid Ibn Abbas

Ahli Jawatankuasa Biro (BPE), telah mengambil langkah pro-aktif untuk membantu anak kariah yang terkesan akibat pandemic COVID-19 dengan memperkenalkan "Bazaaria PKPB Masjid Ibn Abbas". Dengan mengambil kesempatan atas inisiatif yang telah diperkenalkan oleh Kementerian Wilayah Persekutuan 'Wilayah Bebas Berniaga' dan juga program 'Quick Win' oleh pihak JAWI, BPE berpendapat program ini dapat dimanfaatkan oleh anak kariah terutamanya untuk golongan yang terkesan. Menerusi inisiatif itu, anak kariah Masjid Ibn Abbas dibenarkan berniaga apa sahaja jenis makanan halal dan bersih bermula 16 November yang lalu. Pengerusi Masjid Ibn Abbas, En Nizam Shah Bin Mohd Noor berkata, inisiatif itu dibuat bagi meringankan beban penduduk kariah di bawah Masjid Ibn Abbas susulan pelaksanaan kembali Perintah Kawalan Pergerakan Bersyarat (PKPB) bagi menangani Covid-19. Program ini turut mendapat perhatian media TV9 dalam slot Pintu Rezeki.





MASJID IBN ABBAS  
Taman Ibu Kota, Kuala Lumpur



**BAZARIA PKPB  
MASJID IBN ABBAS**

**TAPAK NIAGA  
PERCUMA !!**

**6 LOT DISEDIKAN**  
*Setiap Hari Kecuali Isnin*  
**7.00 PAGI - 12.00 TGH**




**Berminat, Sila Hubungi:**  
**En. Latif :**  
**019-486 5772**  
**En. Ahmad Khairi :**  
**013-394 8984**

## Tabung Infaq 'Drop-Off' Masjid Ibn Abbas

Bagi memudahkan para tetamu Allah untuk berinfaq, pihak pengurusan masjid telah menyediakan tabung Infaq 'Drop-Off' di pintu masuk utama masjid. Tabung berkenaan disediakan selepas mengambil kira pendapat dan cadangan para tetamu Allah yang tidak berkesempatan untuk berinfaq diluar waktu masjid. Pihak pengurusan masjid juga turut berharap dengan tersedianya tabung berkenaan, segala kesukaran yang dihadapi oleh para dermawan dapat diatasi. Pihak pengurusan masjid amat menyanjung tinggi atas segala perhatian dan sikap ambil berat para tetamu Allah dalam menambah baik pengurusan masjid sambil berinfaq memohon keredhaan dari Allah SWT.



## PROGRAM GOTONG-ROYONG BERSAMA SMK SETAPAK INDAH DAN KOLEJ VOKASIONAL

### SENARAI AHLI JAWATANKUASA

**Ketua Biro (Belia)**

En. Muhamad Shalahuddin Bin Muhamad Ajib

**Ketua Biro (Beliawanis)**

Pn. Armi Binti Muhamed Ramli





***SENARAI AHLI JAWATANKUASA***

**Ketua Biro**

Hj. Kamarudin Bin Ismail

**Ahli Jawatankuasa Kerja**

En. Abu Bakar Bin Abdullah

En. Ahmad Khairi Bin Mahidin

En. Abdul Latif Bin Abd Rahim

***Pematuhan SOP PKP Masjid***



***Lawatan Pegawai Penguatkuasa JAWI (Pematuhan SOP)***



***Pemasangan Alat Pemadam Api.***



***Menghadiri Seminar Pencegahan***



## SENARAI AHLI JAWATANKUASA

### Ketua Biro

Teh Rokiah binti Mohammad Sharif

### Setiausaha

Norhanim binti Azman

### Bendahari

Sarinah binti Mohd Shariff

### Ahli Jawatankuasa Kerja

Armi binti Mohamed

Rosidah binti Shukor

Rosmahwati binti Din

Norsiah binti Ahmad

Rose Liza binti Ramly

Siti Zawiah binti Sahri

Noraihan binti Mokhtar

## ANTARA AKTIVITI-AKTIVITI BIRO MUSLIMAT

KULIAH DHUHA MINGGUAN

KULIAH DHUHA PERDANA

PROGRAM KEMBARA MASJID KE MASJID

PROGRAM ZIARAH

PROGRAM LAWATAN

*Kuliah Dhuha Bersama Ustaz Dato' Kazim*



*Kuliah Dhuha Bersama Ustaz Shamsul Debat*



*Kuliah Dhuha Khas Bersama Pu Azman & Ustazah Nurul Hidayah*



*Daurah kitab bersama Ustazah Asma' Harun*



*Program khas Dakwah Penuh Ukhwah Bersama 16 orang Asatizah*



*Dari Masjid Ke Masjid...Ke Masjid Sri Sendayan*



*Kuliah Dhuha Perdana Bersama Ustaz Abdul Samad*



*Bual Bicara Bersama Ustaz Don Daniyal & Ustazah Asni Mansor*



*World Quran Hour*



*Kuliah Dhuha Bersama Oki Setiana Dwi*



*Program Lawatan Ke Kilang Al-Quran*



## SENARAI AHLI JAWATNKUASA.

Ketua Biro

En. Zul Azri Bin Md Nasir

Bendahari

En. Ahmad Khairi Bin Mahidin

Wakil Taman Ibu Kota

Tn. Hj Mohd Yunos Bin Hashim

Wakil Taman Danau Kota

Dato Haji Hasan Bin Mohd Amin

Wakil Taman Setapak Indah

En. Ahmad Zamri Bin Hj. Hasan

**BANTUAN KHAS KEPERLUAN ASASI KEPADA ASNAF**

"Dan pada harta-harta mereka ada hak untuk orang miskin yang meminta dan orang miskin yang tidak mendapat bagian,"  
Surah Az-Zariyat : Ayat 19

PIHAK MASJID IBN ABBAS AKAN MENGEDAR BANTUAN BARANGAN ASASI KEPERLUAN RUMAH KEPADA ASNAF, OKU, & AHLI KARIAH YANG MEMERLUKAN SETIAP BULAN.

UNTUK PERTANYAAN SILA HUBUNGI :  
EN. ZUL AZRI 017-567 5761

INFAQ TUNAI BOLEH DISALURKAN KE AKAUN :  
**Maybank 5642 2163 6512**  
MASJID IBN ABBAS

## PROGRAM BANTUAN KHAS PKPB KEPADA ASNAF



23 Oktober 2020

Program menyantuni asnaf, OKU dan ibu tunggal dalam memberi sumbangan berupa makanan asas dan sedikit sumbangan berupa wang.

Projek insyaAllah akan diteruskan dengan sokongan dan sumbangan dari penderma yang prihatin. Program bermula sekitar jam 10.00 pagi dan selesai dalam jam 11.00 pagi dan mematuhi SOP yang ditetapkan oleh pihak kerajaan.

INFAQ TUNAI BOLEH DISALURKAN KE AKAUN :



**Maybank**

**5642 2163 6512**

MASJID IBN ABBAS